

Выдавництво Товариства „Просвѣта“
въ Ужгородѣ. Ч. 2.

54
A-32

ЧОРТЪ НА ВЕСѢЛЮ.

Оповѣданя изъ жита Верховинцѣвъ.

НАПИСАВЪ:

Луначъ Демянъ.

ДРУГЕ ВЪДАНА.



УЖГОРОДЪ.

Книгопечатня Акціонерное Товариства „УНІО“

1921.



Слово про автора оповѣданя.

Демянъ Лукачъ, якого книжочку отсе выдаемо, уродився въ 1894. роцѣ въ Верецькихъ Вышнихъ, берегськой жупы. Его няню худобный господарь має всего 6 моргѣвъ гѣрського поля. До школы ходивъ въ рѣднѣмъ селѣ, де скончивъ 4 класы въ тринайцятѣмъ роцѣ житя.

Але на тыхъ чотырохъ класахъ не скѣнчилося его образования. Вже едѣ хлопчыхъ лѣтъ любивъ Лукачъ читати. Въ его руки попалася „Недѣля“, яка выходила въ Будапештѣ. Въ „Недѣлѣ“ були народнѣ пѣснѣ, записанѣ въ Мараморощинѣ. Тѣ пѣснѣ злюбилися хлопцези та звернули его увагу на пѣснѣ его рѣдного села та околицѣ. Отъ и онъ ставъ записовати народнѣ пѣснѣ изъ Верецькихъ Вышнихъ та берегськой Верховины. Старший братъ, Иванъ, мавъ вже въ себе украинськѣ книжки зъ Галичины, якѣ ему дали о. Семкѣвъ Герасимъ изъ Жупаня та селянинъ Лупацій Иванъ зъ Выжлова въ Галичинѣ. Въ 1909 роцѣ прислала „Просвѣта“ у Львовѣ братьямъ 60 книжочокъ задар, братья читали та да-

вали другимъ. Въ 1913 роцѣ спѣзналися брати зо студентами львѣвского университета. Тѣ приси-
лали имъ виданя „Сѣльського Господаря“, „Укра-
їнського Педагогічного Товариства“, „Просвѣти“ та
иньшѣ, писали листи и загрѣвали ихъ до читаня
книжокъ та працѣ для народа.

Пѣдъ впливомъ львѣвскихъ академикѣвъ ста-
ли брати, Иванъ та Лука, збирати библіотеку, въ
якѣй знайшлися творы Шевченка, Франка, Федь-
ковича, Руданського, Квѣтки-Основяненка та инь-
шихъ. Читаня книжокъ та спѣзнаня творѣвъ укра-
їнської литературы отворило братамъ очи. Побачи-
ли и спѣзнали, що рѣдна литература рѣдне пись-
менство *мусить опертися на живѣй народнѣй мовѣ.*

Брати стали збирати народнѣ пѣсенѣ, казки,
байки та анекдоты. Деякѣ пѣсенѣ друкувавъ Лука,
иньшѣ Иванъ въ „Науцѣ“, „Недѣлѣ“ та въ ка-
лендаряхъ тов. „Унію“, иньшѣ ще въ рукописахъ.
А зѣбрали брати до 1000 народныхъ пѣсень.

Лукачѣ ставъ пробувати своихъ силъ въ ори-
гинальныхъ оповѣданяхъ. „Чортъ на весѣлю“ одно
зъ першихъ. Написане мовою Верховинцѣвъ бе-
регськѣй жупы. Своею мовою близьке мовѣ тво-
рѣвъ Устѣяновича Миколы (Местъ верховинця) та
оповѣданъ Федьковича. Композиція цѣлости ще
слаба, та оповѣданя одзначається гарными обра-
зами зъ природы, живыми образками изъ життя
Верховинцѣвъ та живою акцією. И що найваж-
нѣйше: се перше оповѣданя въ литературѣ Пѣд-
карпатської Руси написане поетомъ изъ пѣдъ
селянської стрѣхи въ его рѣдномъ верховинскѣмъ
горовѣ!

Дрѣ В. Бирчакъ.

Чортъ на весѣлю.

Написавъ Лукачъ Демянь.

I.

Прекрасный ярный бувъ день, якъ бы мала дѣтина убрана у прекрасный вѣночокъ усмѣхала изъ радости свойовъ красотовъ. Такъ и уся природа красуеся у своихъ многоцвѣтучихъ садахъ и лугахъ многоцвѣтными красками. Сонце веселое, ясное, щасливо гралось изъ своими золотыми лучами по поляхъ, гуляло по горахъ и надъ лѣсами. Высоко надъ полями слѣвали жаворонки дзвѣнками серебристыми голосками. Щебетъ соловѣйка загомонѣвъ, любовна его пѣсня рознеслася по красуючойся ярной природѣ, вливаючи въ душу чоловіка новое житя, нову надѣю.

У нашихъ синихъ Карпатахъ надъ селомъ Воловецъ, що розсыпалося по обохъ бокахъ рѣки Вича, сонце клонилося до западу. А въ такій то часъ божого дня скорымъ ходомъ рушилася Анна Андріюва изъ маленького сѣльця Таламаше.

Тая жѣнка середного вѣку житя, на еѣ лици малювалася якась радостна думка. Но сесе трудно отгадати, чи тая жѣнеа такъ тѣшитъся севѣ майсковѣ красотовъ, товъ то ярьовъ Божовъ, котра розсыпуе такій чаръ, а особливо молодымъ. Но и на старыхъ оно не остаеся безъ слѣду.

То такъ тая жѣнка не такъ тѣшитъся сими то майскими красотами, но спѣшитъ. А где? трудно отгадати. Минае мушинъ, жѣнокъ, дѣтей, декотрому поклониться и отдасть почестъ, а молодшѣ особы и еѣ поклоняться. То зновъ стае коло креста, креститься и шепче по тихо якусь тамъ молитву и йде дале.

Приходить до села Волѣвця, туй зновъ зъ деякими знакомими поговорить за здоровля, за гараздъ. Но не розговорюєся на довшій часъ, бо еще до означеного єѣ села Яблунова далеко.

А туй сонце уже склонюєся изъ небозводу и показуєся добрымъ людымъ, що неодовгій часъ пѣйде на супочивокъ. И наша Анна скорѣщимъ ходомъ спѣшѣть, щобы еще вернутися знова на свое домоство.

Сесе маленькое село Яблунѡвъ лежить итєтъ далеко отъ Волѣвця у долину не больше якъ дватцять хижъ. На правѡй сторонѣ села ихъ загороды. Выще загородъ пасло изъ рѣдкимъ лѣсомъ. На тѡмъ паслѣ пасєся лѣтомъ хубоба. Сесе пасло называєтся „Прислопъ“ подъ горѡвъ Бозовѡ. Сесе мѣсто „Прислопъ“ бѡльше буде ся онисовати.

Но куда и де пошла тѡта жѡна, що такъ спѣшила?

II.

Прийшла у Яблунѡвъ, не звѣдуючися никого, де той Максимъ бывать, но повернула зъ дороги въ дворець, бо уже єѣ дворець той добре бувъ отъ давна знакомый.

На дворѣ Максима стала коло хижѣ, де маленькѣ дѣти весело бавилися; однѣ перескаковали маленькѣй ярочокъ и перебѣгали однѣ спередъ другими, а другѣ городили кошару изъ маленькихъ копачикѡвъ и прутикѡвъ.

Скоро дѣти заганѣбилися и заганѣбленѣ забулися бавити но пильно запозиралися на чужу жѣнку. А изъ тихъ, найменча Анця, котра разъ у разъ протирадала кучерявое волосѣчко маленькими но замазаными въ болѡтѣ ручками, щобы не заслонювало єѣ маленькихъ очей, скоро побѣгла до хижѣ оповѣсти новѡсть своѣй мамцѣ.

— „Мамко, мамко!“ — закликала маленька Анця.
— „До насъ прийшла цуза“.

— „Та яка то цуза?“ — спросилася отъ Анцѣ
Настя, бо такъ называли Максимову жону.

— „Така глупа“ — каже Анця.

— „Може тетка?“

— „Нѣтъ! то дълга зона“.

— „Ану! що то за жона? Иду и попозираю. Може яка не мае часу“.

И скоро побѣгла на двѣрь Настя, де увидѣла стоячу коло дробныхъ дѣтей и прихвалюючу Анну Андрійову изъ села-Т.....

— „Слава Іисусу Христу!“ — поклонилася Анна до Настунѣ, своеѣ давнѣйшоѣ приятельки, дала еѣ руку и поцѣлувалися.

— „Слава и на вѣки Богу!“ — отповѣла Настя, даючи руку Аннѣ и маленькѣй Анцѣ, котра соромлячися тудилася по за матеръ и звѣдтамъ пишно припозиралася чужѣй жонѣ.

— „Якъ ся маєте Настунько?“ — каже Анна — ци гараздѣ, ци здоровѣ? Якъ Максимъ, Евка и другѣ дѣти, худоба, словомъ все ваше господарство“.

— „Богу слава, здоровѣ и все добре ведесе“ — отповѣла Настя.

— „Но! а якъ тамъ у васъ, ци здоровѣ и що дащо нового приповѣсьте и що чути коло вашоѣ сторони“.

— „Дяковати Богу, до сего часу все еще иде по побожому. Доки насъ Богъ обдаровавъ здоровлямъ и земнымъ добромъ, то все еще якось иде“.

— „Отъ приступѣть ближе“ — закликала Настя — Що будете тѣлько стояти, бо знаете, що кѣлько и посидѣти. То скорше приступѣть ближе Анцю. Приступѣть до хижѣ. Сядете, одпочинете и дещо мѣло собѣ

поговориме о нашихъ. прибыткахъ, бо я вже и давно зъ вами не говорила.

— „Неможъ, Настунько, не можъ тото господарство лишити“ — отповѣла Анна. — „Еге! Дѣти лишиламъ самѣ, то знаете добре, що дѣти малѣ, та вамъ дурнѣ, не знаютъ ничего“.

— „То такое Анцю. Дѣти все дѣтьми. Изъ дѣтьми великій клопѣтъ, то скаче, то спало бы, то ѣло бы, то сесе хоче, а то зновъ сего не хоче, и уже не знаю, якъ уже голову горѣ носити изъ такоѣ суеты и грызоты“.

— „Отъ так то вы Настунько, хотъ маєте шастя, що маєте чимъ послужитися, то вамъ уже лекше иде житя. Айбо то менѣ тяжко! Бо видите, найстаршій синъ изобстався, а молодшѣ повмирали, що були дѣвки, котрѣ бы були менѣ якъ разъ теперь на службу. А изъ малыми що вдѣяти? Радше треба малого сокотити отъ якого небудь припадку, а послужитися малымъ не по-служисься, отъ бѣда и бѣда. Позираю то на одно то на друге а дале сама беруся до работы якъ могу“.

— „Правда, правда! Менѣ уже два разы лекше, бо маю на кого лишити домашню роботу, хотъ бы и якій довгій часъ, то я бы направду такъ, ги бы сама буда въ дома. То вамъ потрібна дѣвчина, якоѣ мало де найти теперѣшнымъ часомъ, якъ моя Евочка“.

— „Ой, я еще того шастя не могу дочекатися, отповѣла Анна. Найбѣльше роби, усѣмъ ся жури, лемъ клопѣтъ головѣ, а товчуся сама у хижѣ, ги Марко по пеклѣ. Не е изъ кимъ розговоритися, нѣ порадитися, нѣ повеселитися, нѣ засмѣятися. Отъ мужнины по своему дѣлу по двору, а у хижѣ я сама, а то хотъ кобымъ мала яку подпору своимъ рукамъ“.

— „Дѣйстно! Така и мене доля чекае. Дѣвку бы

отдавати не у довшій часъ, то тогды я сама такъ остану изъ менчими дѣтьми“.

— „Свята правда“ — отповѣла Анна. — „Есть послуга, но то лемъ на короткій часъ, бо дѣвка у своеѣ матери така, якъ позиченый хлѣбъ. Выгодуй лемъ послужитися, а туй уже отдавай еѣ другому на служницю“.

— Але мы ся заговорили“ — каже Настя. — Не знаю, ци вы маєте часу, ци нѣтъ. Бо я хотѣла васъ звѣдоватися, еслибъ можъ, що и чого вы прийшли до насъ; бо уже не тямлю коли то вы були у насъ.

— „А що знаю я на то казати“ — отповѣла надумуючися Анна. — „Я не знаю що казати“.

— „Говорѣть, говорѣть! Не ганьбѣться тымъ нѣчого. Добре, еслисьте прийшли идо мнѣ, то я туй, а если идъ старому Максимови, то мало почекайте и погодѣть, то незадовго и самый придетъ домо́въ“.

— „Отъ а уже не така, щобы я ся ганьбила слово повѣсти, бо се менѣ не першій разъ изъ вами говорити. А що я прийшла до васъ, то я прийшла идъ обоѣмъ“.

— „Идъ обоѣмъ, идъ обоѣмъ“ — заговорила Настя сама до себе и, бѣгаючи то сюда, то туда поралася у хижѣ.

— „А такъ, такъ“ — отповѣла Анна.

— „Если до васъ обоѣхъ дѣло належить, то можете и менѣ се сказати, то намъ все одно! Но скажѣть, ци важное то дѣло?“

— „Отъ важное, ци не важное, але таки й не малое“.

— „То розумѣся!“ — одповѣла на се Настя. — „Если бы не важное дѣло, то вы бы сюда не ишли такъ далеко!“

— „Та то правда, що так“.

Коли тотѣ розговорюють о своихъ выгодахъ, о

своихъ жѣночихъ поведѣнкахъ, якъ разъ уходитъ у ту самую хвилю Максимъ изъ своеѣ Евчковѣ до хижѣ. Анна, котра сидѣла у той часѣ, устала изъ лавицѣ, поклонилася до Максима и дала руку Максимови и Евцѣ, котра, увидѣвши Анну, почервонѣла и покраснѣла отъ Анниного взору. Подумала собѣ: Що и чого ся менѣ знакома жѣнка прийшла до насъ? А може бути, що та жѣнка по мене прийшла? Я радше вийду на двѣрь. Если по мене, то най хоть не чую, бо то я бы ся заганѣбила. И вийшла у тѣй хвилѣ на двѣрь.

— „Що вы намъ нового приповѣсьте изъ Таламаша“ — заговоривъ Максимъ до Анны. — „Що порабляють тамъ ваши господарѣ? Ци dokonчили уже польову роботу и ци здоровѣ?“

— „Богу слава, здоровѣ есьме до сего часу и польова робота dokonчена“.

— „Богу слава!“ — отповѣвъ Максимъ. — „И що дащо ходите до насъ, може дещо Андрей загнавъ, або може дечого хочете идъ Настуни?“

— „Такъ, такъ, Андрей наказавъ. Я сама бѣльше тымъ орудую, но наибѣльше нашъ Михайло...“

— „Ага! вже намъ досить сего. Мы зрозумѣли уже, у чѣмъ туй дѣло заходить“ — наразъ тѣ слова обоє сповѣли.

— „Гмъ!“ — сказавъ Максимъ. — Вы бм то хотѣли Анцѣ, обы мы свою Евчку дали за вашого сына. Се може статися. Мы васъ и вашого сына добре знаеме. Доста намъ сего. Мы радѣ будеме тому. Лемъ едно не знаю, ци будуться молодѣ любити, бо се одъ нихъ залежить“.

— „Но то не знаю, ци хоче ваша Евчка?“ — заговорила Анна.

— „Не журѣться въ тѣмъ ничого! Все о тѣмъ по-
недесе добре“ — каже Настя.

— „Добре! Но тѣльки я бы хотѣла отъ васъ дещо
бѣльше почути. Ци можете теперь отразу отдавати, ци
може вамъ ся не паруе. И ци розказуете, абысьме при-
шли у четверѣ до васъ на сватанки“.

— „Можете, можете. Мы на то пристаеме, лемъ
приходѣть“.

— „Дякую вамъ сердечно за ваши щедрѣ слова,
лемъ обы слово словомъ було, и обы мы не тратили
часу и собѣ ганьбу не чинили, а дѣвцѣ славу, що сва-
таци за нею ходять“.

— „Я вамъ не такій мантивникъ — отповѣвъ
Максимъ — обы я васъ издуривъ. Лем я сказавъ
слово такъ, якъ бы святое слово“.

— „Дякую, дякую! — отповѣла Анна, — за ваши
слова, но скорше бы и менѣ ити геть до дому, бо уже
и такъ сонце кладесе на супочивокъ. А я еще у васъ
сиджу.“

— „Ничъ того, ничъ! — отповѣвъ Максимъ. —
Еще маєте часъ, тадѣ дома Андрѣй, то не журѣться
ичъ, онъ посокотить малѣ дѣти“.

— „Здоровѣ будьте!“ — отклонила Анна отъ
Максима и Анны и вийшла на двѣръ.

— „Ану! ану! вийди на двѣръ за Анновѣ“ — за-
говоривъ Максимъ до своеѣ жѣнки.

Вийшла Настуня за Анновѣ на двѣръ и зновѣ
почали тамъ говорити нову бесѣду, повый розговорѣ.

— „Не будете, Настунько, не будете жаловати,
що вы свою Евочку отдасте за мого Михайлика“ — за-
говорила Анна до Настѣ.

— „Бо то вамъ мѣй Михайликъ, то челядина, де
такого майже на цѣлѣй Верховинѣ не пайдесе якъ

мôй Михайликъ, вѣрьте менѣ Настунько. Що рôвна не е ему у нашôмъ селѣ, що чесный, розумный, трудолюбивый. Тотъ бы вамъ свободный часъ не просидѣвъ такъ изъ легка. Бо якъ каже руська пословица: „на камени бы собѣ роботу найшовъ“ — не то що. Якъ тотъ краснѣ столярскѣ речи поправивъ, такъ красно, такъ гладко, що въ его роботѣ не найдется якій столяръ, абы ему доказавъ. Ой сего не найдется, ой нѣтъ! — Отъ якъ Богъ намъ здоровля дасть и будеме жити, то колись прийдете и увидите у насъ, то не заганьблюся Настунько, не заганьблю моего сына роботовъ“.

— „Правда по вашôй сторонѣ! То я досить чула добрыхъ дѣлъ за вашого сына“ — отповѣла Настуня. — „Але я вамъ сего не могу измовчати, щобы я свою Евчку вамъ не обрисовала. То собѣ файна челядина, якъ рѣдко де знати. Розумна, шити вышивати, прясти, ткати, и другѣ женскѣ работы такъ красно и швидко робить, ги хотъ яка вамъ старовина. А до работы така загорѣла, то цѣлый огонь...“

И зновъ попрощалися и розойшлися по своему.

III.

Вернулася Настя до хижи и задумана стала коло вôкна.

— „А що будеме робити теперъ, га?“ — озався Максимъ до Настѣ.

— „Що будеме робити?—А що будеме! Коли Богъ давъ намъ дѣти, то давъ и на дѣти“ — каже Настя.

Но Богу дяковати, що здоровѣ повыростали, такѣ якъ людскѣ. То отдавайме, коли добре ся трафило, доброе господарство...“ А Евка усе говорить, що на еѣ дяку туй не е легѣня, якъ таламскій Михайло.

— „И менѣ дуже ся полюбило сесе“ — отповѣвъ Максимъ. Трудолюбивѣ и я ихъ отъ давна знаю за добрыхъ и чесныхъ людей.

Прийшла на то до хижѣ Евочка, котра нарочно вийшла изъ хижи, щобы не бути при Аннѣ.

— „Но, Евочка!“ — зазвѣдавъ еѣ отецъ. — Ци хочешъ ты ити за Михайла Андрѣйового у Таламашъ?“

— „Я не знаю!“ — отповѣла ганьблячися Евочка.

— „А хтожъ знае, якъ не ты!“

— „Я уже давно мамѣ сказала за кого я хочу отдаватися“ — а сама почервонѣла и обернулася у другу сторону.

— „Добре! добре! Я лемъ сесе отъ тебе пожадавъ“ — сказавъ на то Максимъ.

— „Иди, иди но Евочка! позамѣтай по дворови красно“ — каже Настя до Евки — „обы словомъ бувъ ладъ“.

Скоро позамѣтала Евка по дворови, а старѣ зновъ пораються и приготавлиють потребный имъ напой и друге, щобы добре привитати сватачѣвъ.

IV.

На другій день, еще лемъ первый разъ когуты заплѣли по седу, вставъ Максимъ изъ ночного сну, заналивъ лампу у хижѣ, щобы ся видно було.

— „Уставайте!“ — закликавъ Максимъ, и на кликъ Максима, скоро изхопилася изъ сну Евка, бо подумала собѣ, ачей сватачи уже туй суть, або що. Поустанавли и другѣ, помылися, прибралися, причепурилися и помолилися Всевышному Богу, а такъ дочѣкуютъ Богу днину.

Выйшовъ Максимъ на двѣръ попозирати, якъ си дѣе на свѣтѣ и ци не идуть сватачи. Но не видно

ничого, все еще темно було. И вернувся зновъ до хижѣ. Бо у насъ, видите, така уже установка, що коли хотять святачи ити до дѣвчины, то первый разъ иде молодой изъ своимъ отцемъ у часъ рано або до дня, доки еще ся темно.

— „Но що Максиме?“ — зазвѣдала Настя. — „Чи не видно нашихъ святачѣвъ?“

— „Еще не видно“ — отповѣвъ Максимъ.

— „Може тотъ и не прийдуть сегодня. Богъ знае, що тото е. Може дещо тамъ случилось, або що, бо менѣ дуже нефайный сонъ приснился. Богъ знае, що изъ того буде“.

— „Та що снилося тобѣ такое?“

— „Ой, ой, дуже нефайное“.

— „Если нефайный сонъ, то кажи и менѣ, и такъ най и я знаю, що то такое дивное“.

— „Радше волѣю измовчати, то тогды лемъ менѣ буде на серцѣ той дивный сонъ, а ты будешь спокойный“.

— „Говори, говори“ — каже Максимъ — „то не гризи мое сердце сномъ, най и я знаю“.

— „Менѣ снилося, що такъ десь якъ бы на чорномъ морѣ. Плынеме мы, плынеме тымъ то чорнымъ моремъ на одной лодцѣ, а само у тотъ часъ и зобралася величезна буря. Море хвилюеся, а нашовъ лодковъ такъ сильно гонить, що я не въ силѣ задержати и направляти весломъ лодку до берега. Анужъ буря переверне намъ лодку и мы перевернемся у воду и потопимеся. Позираю, що одна велика хвиля морська ближе и ближе великовъ скоростевъ летить на насъ, такъ що не у довгій часъ, наша лодка занурилася у нѣй. У мигъ ока ся величезна хвиля отдалилася, мы остались у лодцѣ пѣлкомъ мокрѣ. Си-

диме у лодцѣ и позираеме, ци не забрала вода изъ лодки наши рѣчи. А нашоѣ Евки не е. Поглотила еѣ морська хвиля до своѣй внутрѣнности“.

— „Ей! На сны не е що позирати“, — отповѣвъ Максимъ.— „То все вѣчна мара“.

— „Ой, тадѣ ты не вѣруй ничѣ! Но мене то дуже непокоїть“.

И зновъ вийшовъ Максимъ на двѳръ, попозиравъ идѣ горѣ у сторону Волѣвця. Но уже почало на небосклонѣ помалы зоряти. Позирае, ци не видить дагде долѣ дороговъ идучихъ людей. Но не увидѣвъ никого. А дале зновъ заперѣ у собѣ духъ и слухать, ци не вчуе якій торохкѳтъ воза. Но не чути сего. Лемъ изъ поблизкого лѣса чути спѣвъ потячого царства, якѣ то мелодійнымъ спѣвомъ приманюють майську природу и хвалять своими пѣснями Творця Всевышного за его удержаня. Слухае щебетаня соловія и кукаяня сивоѣ зозулѣ, но чуе гибы якійсь гомѳтъ воза и коньскихъ копытъ. Въ тѳй хвилѣ вернувся Максимъ до хижѣ, де его Настя зазвѣдала.

— „А що! Ци не чути деякого воза? Або ци не видно?“

— „Я не знаю! Якось гибы якійсь вѳзъ заторохкотѣвъ, айбо то еще далеко. Ану, выходи и ты, та вчуешь“.

Вийшли на двѳръ, но и справдѣ чути якогось воза, уже помалы чути и мужчинского голосу.

— „Туй суть“—заговорила Настя и побѣгла до хижѣ, а Максимъ остався на дворѣ. А у тѳй хвилѣ привезлися на возику Михайло, Андрей и якійсь третій побрехачъ.

Привитавъ Максимъ обзорашѳвъ, привязавъ конѣ до стайнѣ, давъ конямъ красного сѣна, а самый увойшовъ до хижѣ изъ сватачами.

V.

„Слава Иисусу Христу!“

— „Слава и на вѣки“, — отповѣли разомъ Максимъ изъ Настювъ и почали ихъ укладовати сѣдати на пристеленой лавици. Заговоривъ Максимъ за здоровя и другое, а тѣ зновъ на то отповѣли.

— „А рано вы рушились изъ домѣвъ?— заговоривъ Максимъ — що вы изъ тѣлького свѣта прийшли на зорѣ“.

— „Отъ рано, ци не рано, але знаете все лѣпше изъ рана, поки въ селѣ тихо. А якъ бы ся пѣзно рушивъ изъ домѣвъ, то всяка погань вытрѣщаться и сиуе по дорозѣ, а то не знати, хто якій на переходѣ“.

Максимъ скоро рушився до коморы, де зъ вѣдтамъ унѣсь замедженоѣ горѣвки, поклавъ на стѣлъ, и почавъ гостити сватачѣвъ, а стара Настя наклала огня наварила лечницѣ, подала на стѣлъ, унесла солонины, сыра. Пили, закусовали, а тымъ часомъ варила Настя другѣ стравы и подала на стѣлъ.

Евка зновъ забѣгать коло печи, помагать своѣй матери обѣдъ готовить. А тымъ часомъ усе бокомъ попозерать на свого милого та любого Михайлика, на котрого такъ изъ давна чекала — кобы то лемъ... чимъ скорше... бо було на що чекати и позирати. Бо такій красний, широкоплечистый и хлопный, то була собѣ подоба якъ разъ. Жовто-буро-кудрявое волосье зачесане на бѣкъ, лица жовтявого изъ очима усмѣхаючимися. А усики лемъ почали помалы показоватися на свѣтъ божій и сіяють, якъ бы срибернистый снурочокъ протягъ по надъ пышный ротъ. Краснo прибранный зновъ очей не спущавъ изъ своеѣ любовѣ Евочки, лемъ часомъ усмѣхнесь собѣ подъ носомъ, коли его очи изъ Евчиными очима изстрѣтяться...

Бо и Евка то перва була собѣ изъ красавиць. Очи синявѣ, лица червено-бѣлого такъ, якъ бы кровь изъ молокомъ измѣшавъ черденѣся. Середного росту и прекрасно убрана у вышиваной сорочцѣ, а волоси зновъ изпадало у низъ на плечахъ, заплетене у косу изъ ружовымъ бандликомъ.

Довго, довго еще гостилися сватачи и розговорювали то о сѣмъ, то о тѣмъ, словомъ о рѣжныхъ справахъ... А по гостинѣ поблагодарили Бога и красно подяковали господареви за любовь, за честь, за гостину, що ихъ такъ красно угещено.

— „Не, Михайле!“ — завѣдався отъ него сватачъ, що прійшовъ изъ Таламаша третій. — „Чи любишь ты Евку?“

— „Я, коли бы бувъ не любивъ, то я бы бувъ и не ишовъ сюда“ — отповѣвъ Михайло.

— „А ты, Евочка! що на то скажешь?“

— „Я люблю“ — отповѣла Евка и почерленѣла отъ сорому такъ, якъ бы на ню огнемъ палахнувъ.

Старый Максимъ заговоривъ до сватачѣвъ: — „Чи будеме ити отъ разу писати оновѣды?“

— „Если будеме свальбовати, то и мусиме записати оновѣды“, — отповѣли сватачи, и розказали Евцѣ убраться, бо пойдуть оновѣдъ записати до священника.

Не треба було Евцѣ два разы казати, бо легъ сего слова давно чекала... Скоро побѣгла до комнаты, де красно убралася, хотяй красна и безъ уборѣвъ. А якъ ся прибрала, то може нѣ одинъ королевичъ бы бувъ очей изъ неѣ не звѣвъ, не то що.

А тымъ часомъ у хижѣ сватачи договорювали о части и о другихъ подобныхъ рѣчахъ. И такъ отклонидися отъ Настѣ и закликали Евку, котра вже дав-

но чекала, щобы якъ разъ уже ити геть... Но не довго чекала, бо отъ разу рушили до священника у Воловець записати оповѣды.

VI.

Прийшли у Воловець до отця духовного записати оголоски. Тамъ уже отецъ духовный чекавъ, коли увидѣвъ, що прийшли записовати до него, заговоривъ по дещо изъ Михайломъ, а далє изъ Евковъ, котра на слова священника почервонѣла, а Михайлови зновъ серце билося у грудяхъ изъ радости мовъ бы молоткомъ, бо задумавъ собѣ давиѣщего часу, якъ то коли буде у священника руки собѣ давати изъ Евочковъ.

Хоть они сесе не первый разъ дають собѣ руки, бо уже давиѣще було. Коли зазналися Михайло изъ Евковъ, рѣкъ уже буде на Вознесеніе Г. Н. І. Христа на храмѣ церкви у Волѣвци. На храмъ той прибуде процесій, бо изъ процесіями богато народа. Прибуде сюда богато легѣнѣвъ, дѣвокъ, мужчинъ и жѣнокъ. Та чого такъ богато народа прийде? Ци усѣ идуть такъ рѣвно, Богу угодное дѣло робити и молитися Богу? Нѣтъ! Идуть первый разъ старѣ родичи, щобы поговорити и погоститися. А молодѣ легѣнѣ идуть на храмъ до церкви не для того, щобы Богу похвалу дати, а лемъ для того, обы тамъ яку дѣвчинну увидѣти и поговорити зъ нею. А дѣвчата зновъ идуть, щобы тамъ ся деякому легѣневи подобати, бо думать собѣ кожда, що якъ появиться на храмѣ, то усѣ легѣнѣ будуть ся за нею гнати.

Такъ и нашъ Михайло и Евка первый разъ увидѣлися на храмѣ у Волѣвци и тамъ заговорили.

Найшовъ отецъ духовный матрику и записавъ до выголошуваня.

Красно подяковали, уцѣловавши руку священника и одойшли на двѣрь. Якъ вышли на улицу, довпій часъ Максимъ изъ Андріємъ говорили и радилися, якъ и коли будуть свадьбовати, котрыхъ музыкантѣвъ и котрыхъ старостѣвъ будуть кликати и напйткѣвъ звѣдки буде.

А Михайло изъ Евковъ зновъ пошли на прогулку горѣ селомъ, радячися, котрыхъ дружбѣвъ и дружокъ будуть кликати, обы дружба изъ дружковъ зновъ паровалися. Радилися якъ буде свадьба и ихъ будуще житя, якъ будуть исправляти и такъ дали собѣ руки, попрощалися и розойшлися.

VII.

Третью недѣлю по записованю оновѣдей выкликавъ священникъ у церкви оголоски. А туй уже маються приладжовати свадьбовѣ, а такъ уже у середу маються рано вѣнчати, а на вечеръ маеся свадьба починати и мае бути усе готово на середу.

То еще у недѣлю Максимъ изъ Андріємъ запрягли конѣ у вѣзъ, а на вѣзъ высадили одну бочку на горѣвку, конямъ сѣна, вѣвса, а самѣ собѣ хлѣба, сыра у тайстру, а такожъ не забули собѣ у дорогу узяти склянку изъ горѣвковъ. И такъ рушили у дорогу у недѣлю вечеромъ, а то такъ, обы уже на понедѣлокъ на мѣсци бути, у городѣ Мукачовѣ, де отбуваеся що понедѣлка ярмарокъ, и то тогды потребнѣ имъ рѣчи тамъ покупають.

По дорозѣ довго роздумовавъ Максимъ надъ тымъ, якъ буде свадьбу исправляти и якъ буде угощати своихъ и чужихъ. Черезъ весь той часъ тотѣ вѣзды до Мукачова сновалися тотѣ думки, якъ тотѣ чорнѣ хмары. Прийшовъ до Мукачова, понакушовавъ

собѣ, що ему було потрібно и зновъ руйнився до до му. Дома жона напекла хлѣба, а Евка зготовила собѣ свадьбовос убраня и порас коло хижи.

VIII.

У середу пошли до Волѣвця на Службу, а то изъ рана по Службѣ таки заразомъ отбудеся вѣнчання. Бо якъ разъ така же у насъ установа, не такъ якъ у тихъ то долѣшнянъ, що вѣнчаються изъ музикантами у церкви того дня, коли свадьбують. Вѣнчання на Верховинѣ отбуваеся спередъ свадьбы, а тогды уже свадьбують. Коли приїде ити за молодовъ на десятое село, то вертають ажъ вечеромъ изъ молодовъ. А то уже по вѣнчаню демъ покойно свадьбують.

Повѣнчалися, подружилися, зложили вѣчну присягу, По вѣнчаню поблагословивъ священникъ молоду пару.

Такъ вышли изъ церкви Михайло изъ Евковъ, демъ старѣ избостали записати молоду пару у матрику вѣнчанихъ. Незадовго вышли и старѣ изъ церкви, потомъ разомъ погостилися и за тымъ розыйшлися. А молодѣ довго-довго ходили по Волѣвцеві. Тяжко було уже розорватися имъ, но не знали бѣдныя, що ихъ завтра чекае. То радше най и не знаютъ, бо волѣли бы ся утопити у глубокой водѣ, зкъ о томъ знати.

— „Евочко, Евочко! — озався Михайло. — „Отъ волѣвбимъ и не свадьбовати, якъ то чекати до завтра!

— „Михайле!“ — отповѣла Евка, — „Я не знаю що тото такое е на моимъ серцю! Якійсь такій тигаръ лежить на моимъ серцю, ги бы якимъ камнемъ приваливъ его. Отъ вѣруй ми мой любый Михайлику, волѣю ся утопити, якъ зъ тобовъ розлучатися, хоть бы и до завтра“.

— „Видишь Евочко! Только мы говорили до сего разу, но и разъ такъ не було менѣ тяжело на серцю, якъ то теперь менѣ есть“.

— „Вѣруй менѣ,—каже Евка, — мое сердце ачей отъ разу выбухне изъ груди. Отъ я сего не въ силѣ издержати такую тяготу велику, яку я теперь ношу на своимъ серцю“.

— Довго еще ходили и говорили, не моглися розорвати и на послѣдъ скѣлька разъ выпцольовалися и дали собѣ руки на розходъ. А Евка ревно заплакала своими синявыми очима, хотяи она не хотѣла була заплакати, то сами слезы покотилися по еѣ румянцѣмъ личку. Душа вѣщовала, що ты се Евочка ходила, говорила и цѣловалася изъ своимъ любимымъ товаришемъ послѣдний разъ. Еще пообзиралася назадъ себе за своимъ Михайликомъ, а вже роздуме, ци вернутися за своимъ любымъ та дорогимъ нареченымъ, ци домѣвъ ити, бо и такъ уже часу не выстаетъ.

Много разъ она себе увеселяла рѣжными и веселыми думками, роздумовала, якъ буде свадьбовати, якъ ихъ сердца разомъ будуть тѣшитися новымъ життямъ, новымъ щастямъ. Но сердце, зачатое сердце, спокою не давало нѣ на хвилинку.

IX.

Пришла Евка домѣвъ изъ вѣнчанокъ не така весела, якъ то бывало колись, коли выйде у садъ изъ коновками у кирицю на студену воду, засиѣвае собѣ и спомяне у пѣсняхъ за своего любого, а та пѣсня рознесетъ по околичности, а самое сердце мало що не вырветъ и не полетитъ, де ему мило. А теперь уже не такъ. Евка щось тяжело ходить задумана, гибн сама не своя.

Позерать Наси на свою дѣвку Евку, а далє не терпляче каже :

„А що ты Евочко така сумна ходишь ? Не есь весела, якъ то бывало досѣ. То мала бысь мене розвеселити, а то еще и менѣ тугу находишь“.

— „Мамко ! — каже Евка, — Богъ знае що изъ сего буде, хоть якъ ся тѣшу и надѣю, що не поїду тамъ хоть за якого ледачину, но за файного хлопця. Но менѣ усе якось на серцю тяжко и що изъ сего буде, то лемъ одинъ Богъ знае“.

А тымъ часомъ пока еще Евка на вѣнчаня ходила просячи на свадьбу, то стара Максимиха закликала собѣ до помочи кухарку, бо на таку велику гостину то вамъ треба наварити досыть. Сама одна що вдѣе ? Їй треба всягды окомъ доглянути, додати кухаркамъ що треба. Отже цѣлѣсенкій день дымъ извивається коло Максимовоѣ хижи и клубомъ возноситься гень гень тамъ высоко у гору и изникае, якъ изъ фабричного комина. Цѣлый день Максимиха у забѣгахъ. А Максимъ зновъ приладжує горѣвку, щобы була еспособна до питя. А для родичѣвъ приправлять еще и медомъ.

Попросила Евка изъ дружокѣвъ своихъ сусѣдѣвъ и вернулася домѣвъ. Но уже и досыть було ся звечерѣло, а дома такожъ було все у порядку. Страва поварена, лемъ кухарки облизуются и прихваляютъ, що смаковита страва. Стара Максимиха красно пристедила стѣлъ вышиваною скатертею, котру сама Евка вышивала передъ рокомъ. Призирають присутнѣ Евчину роботу и прихваляютъ. „А якъ красно и дробно по-вышивано“. — „А якъ добре удала“ — каже друга. „А то не хотя—котра потрафить“,—додала третя.

Прийшовъ и староста скорше якъ другѣ, бо якъ знаеме, ему треба порадитися.

Но старый Максимъ все якось ходить ги самый не свѣй, разъ се ему хибить, другій разъ того, а туй наивъ циганъ грати, а ихъ все еще не е. Ходить, визирае, ци не идутъ уже цигане музыканты. — А не добре сесе! Уже туй мали бѣти. А то вже звечерѣло ся, а ихъ все еще не е. Лемъ усе привиджаються ему якѣсь страшнѣ привиды. Не добре се, ему не дуже любитися. Але щожъ ребити?

X.

Прийшли не у довгій часъ цигане музыканты. Заграли пѣдъ вѣкномъ привитателнѣ ноты до трехъ разѣвъ. Увойшли до хижѣ, тамъ привиталися найперше изъ самымъ господаремъ Максимомъ, дале изъ его жѣнковъ, изъ старостовъ и изъ молодовъ, а также не забули и за кухарки. Повѣнчеровали, пожелали молодѣй всякого добра у еѣ житю, обы фѣй все такъ росло якъ изъ воды та изъ росы. Бо хтожъ бѣльше не знае говорити якъ цигане. Циганскій языкъ то цѣлое трюскотало вѣтровое. Онъ буде говорити нѣчь и день и языкъ ему не побаламутиться у бесѣдѣ. Ему иде якъ у потоцѣ быстра вода.

Заграли у хижѣ первую, другу, третю ноту, затанцовали малѣ хлопцѣ. Бо то уже у насъ така установа. У первыхъ двоухъ трюхъ нотахъ затанцюють малѣ хлопцѣ до 18 рокѣвъ.

По третѣй нотѣ поукладовали за стѣлъ гудакѣвъ, старость, родину, сусѣдѣвъ и такъ помолилися Богу. Староста изъ гостями повѣнчеровали, поблагословили вечерю и такъ началась гостина. Максимъ подавъ на стѣлъ мѣдженоѣ горѣвки, бо якъ видимо туй его пер-

вѣ гостѣ : староста, музыканты, родичи и сусѣды. Добре погостили Максимъ изъ Настьовъ медженовъ горѣвковъ и гостѣ зновъ красно подяковали господаревы, господины, кухарькамъ за ихъ працю, за гостинность и за любовь до гостей.

А господарь и господиня, зновъ красно подяковали гостямъ и зновъ угощали другихъ.

По вечери узялися цигане грати, здаеся цѣлый рай ! Танецъ на танецъ якъ быстрая вода, такъ легко. Бо якъ циганъ потягне смыкомъ по струнахъ, то хйба бы той не ишовъ танцювати, що ходить на костурахъ и палицахъ. Не то що здоровый не ишовъ бы танцювати, ай и хромый сяде коло циганъ, приспѣвуета приложуе палицевъ до землѣ и паруетакъ, якъ бы танцювавъ. А що вже молодцѣ,—гей Боже то радость ! Самое сердце тѣшиться и бѣе собовъ, здаеся, що мало не выскочить и не поїде погуляти межи дѣбрѣ люде. А самого чоловѣка ажъ износитъ до танцю. Хлопцѣ изъ дѣвками танцюють, то все такъ повбирано, якъ бы якѣ королѣвскѣ. Клебанѣ на бѣкѣ изъ павляными квѣтами и перами, волоса зачесане на правый бѣкѣ, а уса сѣяють якъ срѣбернистѣ ленточки, а сами широкоплечистѣ легѣнѣ суть опасанѣ широкимъ ремнемъ коло поперека. И се показуета Верховинця на его гордость, що прикрашаета его тѣлесный организмъ. Приспѣвуюта своимъ рыбочкамъ, що изъ ними танцюють, то музыкантамъ.

Дѣвчата зновъ красно прибранѣ у вышиваныхъ сорочкахъ, у шовковыхъ хусткахъ на головѣ, у рясныхъ сукенкахъ та выдзенкуюта подковками. А самѣ такѣ краснѣ та румянѣ, що лемъ стѣи и позирай, и негодепъ бысь'ся нѣчь и деи напозирати и налюбовати товъ то дѣвчовъ красовъ. Лемъ стѣи и позирай

то на одну то на другу, третю и десяту, кожда красша одна отъ другоѣ. Анѣ слова вамъ проговорить, така то вамъ горда. Лемъ усе бокомъ попозирать одна на другу. А далѣ долѣ собовѣ, ци не видиться декто изъ легинѣвъ и ци не любивѣ бы зѣ невѣ дещо поговорити.

А самѣ дѣвчата такѣ ся придають до всего. Коломыйку то такѣ вамъ легко танцювати изъ невѣ, якѣ однимъ перомъ вымаховати у повѣтрю. А наибѣльше уже изъ Евковѣ танцюють. Каждый легѣнь изъ начергу танцюе изъ Евковѣ и самый не знае, де его душа находится. Здаеся цѣлое царство. А старшѣ зновѣ бесѣднують о своимъ господарствѣ, о своимъ молодецѣмъ вѣку. Якѣ и коли що имѣ трафлялося у ихъ житю, а инчѣ зновѣ, що ся така а той такій, той знай красно танцюе, а инчѣ стрѣляютъ на дворѣ.

На дворѣ забираться на бурю и почавѣ дождѣ падати, и молодѣжь зновѣ вернулася пѣдъ стрѣху.

Прохолоджуються хлопцѣ, дѣвки по довгихъ танцяхъ, а другѣ тымъ часомъ танцюють. Выйшла и Евка прохолодитися и набрати у себе свѣжого воздуха и стала пѣдъ стрѣховѣ противъ вѣкна, и позирае до хижѣ крозь вѣкна. А у хижѣ тотѣ що перне, гуляють, сиѣвають. Цѣлый рай.

Захотѣлося и циганнинови потанцювати, бо якѣ знаеме, не с большого шутника, якѣ циганинѣ. Циганинѣ танцюе, скаче, выскакуе то впередъ то взадѣ, руками вымакуе на всѣ боки, а у рукахъ ему набитый револьверѣ.

Ой тяжко було издержати набитый револьверѣ.

Наразѣ у тѣй хвилѣ роздався голосѣ выстрѣлу, и на дворѣ чути було голосѣ плачу : йой, йой, йой.

Котрѣ були на той часѣ на дворѣ, избѣглися скоро на йойкѣ и зачудовано вопрошають: що то е, що то е.

И изпознали, що то на полѣ мертва Евка повадилася спередѣ хижѣ на зеленѣй мурѣгѣ. И то якѣ Евка позирала крѣзь розтвореное вѣкно, у тѣй хвилѣ досыть подхмеленѣй циганинѣ не позираючи выстрѣливѣ крѣзь розтвореное вѣкно.

Скоро и бѣльше людей избѣглося на той крикѣ. — Застрѣлили, застрѣлили! — рознеслася сумна вѣстка помежи гулящою молодежею и гудаками и другими, котрѣ були на свадьбѣ.

Музыка зачудована товѣ то сумновѣ вѣстьовѣ перестала грати. Каждого кортѣло увидѣти ту трагичну постать. Но ни такѣ скоро выбѣгли изѣ хижѣ Максимѣ и Настя. Бо якѣ равѣ свадьбовыхѣ було богато, то годѣ було ся добити толькому народови крѣзь двери.

Но якѣ ледвы добилися до товпы, котра вже окружила конающѣй трупѣ, увидѣли свою единородну нестѣйку, що обкровлянена лежала на земли. Но кровь все еще не переставала, но косицевѣ розбризкувалася по зеленѣй травѣ.

Старыхѣ родителейѣ якѣ бы громомѣ поразило, стали вѣ плачѣ, у йойкѣ, руки ломать. Сусѣды почали ратовати жити молодѣмѣ. А циганинѣ убѣйця якѣ учувѣ ту вѣсть, що застрѣлили, не чекавѣ ничего, лишѣ скоро давѣ ногамѣ знати и утѣкѣ такѣ одразу.

Изѣ раю сталося правдивое пекло. Вмѣсто веселыхѣ нотѣвѣ и спѣвѣвѣ, стався плачѣ и йойкѣ.

Сусѣды почали кровь испирати, обмыли рану. Хотяй спирали кров хто чимѣ знавѣ, но задаремно. Евка опустила голову у долину и изѣ кѣлька разѣ ударила го-

ловую у землю и зайойкала: „Йой! Боже мой, Боже!
— Мамко моя, Мамко! — Ратуй мене... Йой болить,
— йой Михайлику мой! То я тебе мушу по-ди-ша-ти.

„Йой! Боже! мой! Боже! йой, йой...“ и еще разъ хопилася руками за груди, гибы хотѣла тотъ страшный бѣль ѳттрутити ѳтъ своего сердца и еще разъ стрепенулася и исконала.

Мати еѣ стала у плачь, заводить, руки ломить. „Дѣтинко моя дорога!... ѳтъ теперь я радости дочекалася изъ тебе..... то ты идешь ѳтъ мене такъ марно..... Я изъ тебе чекала не такоѣ радости. ѳй не задармо моя душа вѣщовала сего, ѳтколи менѣ приснилося чорное море а я у нѣмъ тебе утопила. Но и утопиламъ тебе не по воли. ѳй утопиламъ тебе на вѣки и бѣльше тебе не увиджу, — недоле моя.....“ Тай упала на землю пиля мертвого трупа. Упала и омѣла изъ великоѣ туги.

Пустилися родичи и идъ Настуни, обливаючи еѣ водою уже обмѣлу. Другѣ занесли мертвый трупъ до хижѣ, де почали приряжовати до вѣчного животу. А третѣ зновъ порозходилися каждое до своего дому.

Не у довгій часъ стара Настя ѳтжила изъ обмѣтя и дале рушилася приготавливати Евку не пѣдъ вѣнецъ весѣльный, но мертвый, — не на свадьбу, но на вѣчный похоронъ.

XI.

Коли туй убирають у сумное по смертное убраня молоду Евку, тымъ часомъ вернѣмся назадъ перейдѣмъ у сусѣдное село, ѳтъ Яблунова до Вышнихъ Верецкихъ. Жили тамъ два стрѣльцѣ, що ихъ люде назвали чаровными стрѣльцями. Одинъ изъ нихъ живѣ въ Беряговцяхъ на имя Яцко Малило,

а другій у Драшбаци именемъ Иванъ Дзямка. Сего послѣднего называли Москалемъ. Богъ его знае, звѣдки такъ его назвали, ци може онъ походивъ родомъ изъ Московщины, ци таки изъ просту его такъ прозвали.

И сесѣ то два стрѣльцѣ славнѣ були у тотъ часъ, бо не разъ знали идъ собѣ звѣрьку причаровати, такъ що сама звѣрка неразъ прибѣгла ему подъ рушницю. Но того уже славного стрѣльца потомки выреклися того чарѣвного стрѣлцтва, бо то все робилося изъ грѣхомъ.

У великомъ товариствѣ жили тотѣ два славнѣ стрѣльцѣ, такъ що оденъ безъ другого за свѣтъ бы бувъ не зробивъ, не подѣлился, але и ходити у едно дуже любили и такъ, що коли одинъ хотѣвъ знати за свого товариша, то значили собѣ мѣста зелеными гаузуками. То уже другій знае, ци его товаришъ вийшовъ, або нѣтъ, спезнавъ, ци е знакъ.

И сесѣ то два стрѣльцѣ, коли въ Яблунувѣ починатися мала свадьба, дорадилися, що на той часъ вийдуть на довецтво ажъ въ гору Бозьово. Такъ первого дня спередъ свадьбы на розходѣ заговоривъ Москаль:

— „Но куме Яцку! Завтра у середу, на день пойдеме, ци може на вечеръ?“

— „А нѣтъ!“ — отвѣтивъ Яцко. — „Шкода то тратити часу такъ дорогого у день, бо днемъ е работа, а подруге звѣрька на зоряхъ иде пасти, а у день сховаеся. То бездурно будеме ити на день“.

— „Но най буде на вечеръ“.

— „Добре! Если такъ буде, то коли ты скорше вийдешъ, заткни голузу у землю, щобы я уже

знавъ. А коли я выйду скорше, то я такъ зроблю“.

Такъ при розходѣ попрощалися и пожелали одинъ другому доброго повороту домѣвъ и такъ розойщалися.

XII.

На чисто синявѣмъ небѣ, якъ бы на покрывалѣ, все даде а даде, посувалося ясно-свѣтучое сонце. Якъ бы у повѣтрю висѣло, но грѣло дуже. Земля попукалася отъ великоѣ спеки, маленькѣ поточки геть геть повысыхали отъ посухи, лемъ ту й тамъ каня запищить, люде кажутъ: „Каня просить дождю“. У воздусѣ все гучить, якъ на якѣмъ великѣмъ штаціонѣ отъ многихъ локомотивѣвъ. Гукъ, спѣвъ и брентѣня миллионѣвъ мухъ.

Уже було изъ полудня, коли Яцко исхопився отъ господарскоѣ работы, котру працювавъ неутомимо черезъ цѣлу Божу днину. Пѣдвечѣрковавъ, такъ рушився у дорогу, набравши собѣ на вечерю солонины, сыра, хлѣба и соли, бо такожъ не забувъ собѣ и набоку узяти.

Перекрестився, и такъ рушився у дорогу горѣ верхомъ. Сонце дуже грѣло, а старый Яцко, що бувъ загорнувся въ кабатъ, розгорнувся и вергъ на рушницу и на плече. Безъ кабата нигда не выбирався на нѣчь на польонаня, бо то незнати, якъ буде у ночи, ци дождь або и вѣтеръ.

Выйшовши на гору на улюбленне ему мѣсто Прислонѣ, вергъ кабатъ на землю и самъ до себе заговоривъ:

— „Отъ туй мое мѣсто, где усе звикъ бувъ сидѣти пѣдъ однимъ розлогимъ букомъ, звѣдки видкося було по всѣй нашѣй окрестности“.

Не много отдохнувши, пѣшовъ позирати, ци

не означено выше згаданнымъ знакомъ. Но нѣтъ! Позначивъ и зновъ вернувся пѣдъ бѣка и сѣвъ собѣ на кабатъ.

Туй незадовго прииде и Москаль на сее мѣсто, — такъ собѣ роздумовавъ Яцко — то еще мало почекаю и попозираю на красоту Веречанскоѣ окресности.

Позирае изъ вершка Прислопа, якъ изъ тоѣ церковноѣ вежи, бо звѣдты видко по веѣй окресности. Тамъ якъ бы на заламленѣй землицѣ широка долиночка, а на нѣй стырчатъ вершки хижъ, а межи ними гордо вознеслася церковця изъ округлими банями, котрѣ блистѣли противъ сонця. — У поточку блестить противъ сонця блискупа вода, а отъ неѣ роздаются пшилкастѣ искры и якъ бы лучи сонця блискають противъ ока чоловѣка. А туй вершокъ горы, якъ бы купина мурашокъ, зеленѣея травами, тамъ дале виднѣются у вѣковѣчныхъ лѣсахъ гаѣ и поля, а доокколо тоѣ окресности якъ бы обсыпаннымъ валомъ недвижимо стоить гордый Бескидъ, якъ бы хотѣвъ у свои обѣмы обяти нашу Верховину изъ своими сестричками, зелеными полонинами. А дале на краю Верховины нашѣ гень, гень, высоко понадъ другѣ вершки вознѣеся одинъ острый вершокъ, що звеся Пикуй або Гуся, гейбы хотѣвъ выдрапатися до синявого небосклону и розмовляти изъ Всевишнимъ Господомъ. За Гуся старѣ люде розповѣдають, що коли туй еще живъ поганскій нарѣдъ, то на тѣй горѣ живъ одинъ ихъ великій поганскій Богъ, которого называли „Наслѣдникъ Божій“. Того то Бога и днесъ пещера находится, и у нѣй росте лѣкарское зѣля, которое зовуть зѣля наслѣдника божого. Но того

зѣля не можъ добути, бо велика буря въ той часъ ся збере, хтобыто рушивъ. Тѣлько одинъ чоловѣкъ изъ Тишова по труднѣй небезпечѣ достався до сего.

Коли Яцко роздумовавъ надъ симъ, его ухо не можъ було оторвати отъ чародѣйныхъ спѣвѣвъ. Тѣшитися майскими красотами, тѣми то веселостями, котрыми Всевышній облегчуе душу и тѣло чоловѣка. Не можеся послухати милозвучного голосу трембиты, котрымъ розносятся по вершкахъ Прислопа и по долинахъ, де отбивається ехомъ у буковѣмъ лѣсѣ. Вѣвчарѣ зновъ тѣшатся, що они своѣмъ трембитанямъ такъ можуть причаровати туда то прохожихъ своихъ ба и чужихъ людей. Пастухи пасучи худобу² выгрівають на пищалкахъ „коломыйку“ а дѣвчата зновъ приспѣвуютъ свои вечернѣ пѣснѣ, пильнуючи худобы и привертаючи ю на добру пащу. Однимъ словомъ цѣла бѣзконечна радость въ той часъ. Яцко не може наслухати ся и очей оторвати отъ забавки¹ малыхъ ягнятъ.

Попозиравъ знову Яцко у сторону Пикуя и видить, що невелика хмарка появилася налѣ городѣ.

Звѣдки та хмарка взялася? — подумавъ онъ собѣ и зачудовано позиравъ лѣпше въ сторону Пикуя. Якъ то може ся стати, де пережде не було видно ничего, а теперъ все ширше и ширше розходится... Лемъ изъ другоѣ стороны, де уже сонце клалося на супочивокъ, сонѣчнѣ лучи отбивалися по вершкахъ Карпатѣвъ.

О, якъ весело и приятно тогды жити чоловѣкови на Верховинѣ, роздумовавъ собѣ Яцко. Але видно, що буде буря у ночи, то радше не чекаю я на мого товариша, но чимъ скорше позираю де бука душлавого, щобымъ мавъ де переночувати.

Хоть менѣ се не первый разъ почувати самому, то и теперь не боюся самъ; а другое и ганьба була бы, если бы я чого боявся, такій славный стрѣлецъ. Тадъ я не разъ боровся изъ медведемъ або тамъ якимъ небудь звѣремъ; то що я мавъ бы ся бояти?

Якъ думавъ, такъ и зробивъ. Найшовъ великого но дуплавого бука, добре ему уже прѣзнаного.

Пѣдъ букомъ извергъ изъ себе кабать у дуплѣ. а самый сѣвъ собѣ и повечерявъ, що собѣ взявъ на дорогу. Якъ повечерявъ, подяковавъ Господу Богу, перекрестивъ мѣсто у дуплѣ три разы на знакъ святого креста и тогда лѣгъ собѣ у дуплѣ. Довго-довго роздумовавъ собѣ Яцко о господарствѣ, то о стрѣleckихъ выгодахъ, якъ тамъ гнався за краснымъ оленьомъ, а тамъ за медведемъ. За такими думками задрѣмався и заспавъ.

XIII.

Лемъ разъ такъ якъ коло одинадцятѣ години великій гукъ избрався, велика буря запановала. Деревя ломляться и трѣщать, а корчи аж до землѣ гнуться. На такѣ то страшнѣ гуку и гримоты пробудився Яцко. Почався молити Всевышнему и Хранителю, обы его охоронивъ отъ якого не дай то Боже припадку якъ и самый собѣ думавъ. Инчоѣ я потѣхи и розрады не маю, только у единого Господа. А туй и челядника або якоѣ крещеноѣ души не е, абы о смертнѣй годинѣ дали знати до села. якъ бы мене не дай то Боже забивъ букъ. Якъ теперь буря лѣси крушить, то и сей букъ старый а при тѣмъ дуплавый не вдержиться противъ сильнѣ бурѣ.

Но той страшный гукъ не перестававъ, нотымъ лѣпше его було чути. Коли сей гукъ прибли-

жився противъ Яцка, перестало гучати. Якимись незнакомымъ голосомъ заговоривъ невидимый духъ.

— „Ци ту єсь товаришу?“ — А на то Яцко подумав — що то, може Иванъ. Але нѣтъ! Сей голосъ менѣ не знакомый.

И зновъ сей незнакомый, невидимый духъ заговоривъ.

— „Чому товаришу не уголосишся, га?“

— „Я туй, туй!“ — озався изъ дула изъ пѣды Яцка незнакомый голосъ.

— „Но ходи изо мновъ!“

— „А де!“

— „У Яблунѣвъ!“

— „Я не годенъ звѣдты рушитися“.

— „Чому?“

— „Бо на менѣ три великѣ печати лежать, що не можу нѣякъ рушитися“.

— „То тогды я самый иду на свадьбу“.

— „Иди, иди та роби и за мене“.

И зновъ загучала та проклята буря, зновъ почувся гукъ, трѣскъ и пѣшла та буря у сторону Яблунѣва.

Но старому Яцкови отразу стало страшно, хоть онъ нигда не боявся ничего. Переночувати самому на полѣ або у лѣсѣ то була дурниця. А теперь такъ настрашися, що не знае де уже находится. Волоса дубомъ стато, самый дрожить, якъ у лихорадцѣ. По тѣлѣ ему пѣшло, якъ бы купу мурашокъ насылавъ по плечахъ. Уже ледвы чекать, ксбы то скоро день наставъ, обы изъ сего проклятого мѣста выйти.

Наразъ не у довгій часъ зновъ чуе якъ перше: гукъ, трѣскъ, шелестъ; корчи ажъ до землѣ гнуться передъ великимъ и сильнымъ вѣтромъ, якъ бы кланялися спереди могучимъ великаномъ. Той гукъ не перестававъ, но чимъ скорше приближався.

И въ ту хвилию ставъ. Яцкови скоро стрѣлила чорна думка у головѣ. Лемъ до теперъ мое житя мае бути, а теперъ уже буде копець. — И пачався зновъ крестити, но еще не такъ устрашився, якъ почувъ зновъ тотѣ слова невидимого духа.

— „А ци ты таки еще туй?“

— „Я еще туй, не могу ся рушити нѣякъ“.

— „Но! но! не хибя то была, що ты не бувъ!“

— „Та що нового и доброго изробив'есь намъ и нашому старшому?“

— „Доста е на сейчасъ, бо виплатилося менѣ самому такъ, ги якъ бысьме оба були“.

— „Та що доброго?“

— „Ей що! Молода дуже була, розтанцьовалася и я дыхнувъ емъ на ню. Она упрѣла такъ, що мусѣла выйти на двѣрь прохолодитися. Стала противъ вѣкна, а цигана надув'емъ, обы выстрѣливъ крѣзь вѣкно и такъ забивъ молоду“.

— „Дужесь файный интересъ изробивъ! Уже буде изъ чимъ показатися у старшого“.

Якъ тотѣ слова скончивъ дияволъ, зновъ загучало, а той страшний гукъ пѣшовъ лѣсами тамъ де появилася вечеромъ.

Дуже застрашенный Яцко мало що не умиравъ зо страху, бо такого николи не чувъ и не видѣвъ. Мало еще побувъ въ дуплѣ и вже помало почало зоряти на небосклонѣ, почали потята привѣтовати ранѣшню зорю, закукала зозуля, а за насмѣшкою виперекоръ погучавъ пу-пу-пу. А тамъ дале у гущавинѣ лѣса запугнотала сова пу-гу-гу, отклавлючися нѣчною темрявѣ. Другѣ дробнѣ птицѣ заєнѣвали гармонѣйно мелодійнымъ хоромъ утrepну пѣню, благодарачи Всевышняго Господа.

Якъ учув Малильо мелодійный спѣвъ-малыхъ птичюкъ, урадовався духомъ и воздыхнувъ до Господа Вседержителя, що его оборонивъ отъ злыхъ и нечистыхъ духовъ, перекрестився и почавъ молитися: Отче нашъ иже еси на небесѣхъ, да святится имя твое... но избави насъ отъ лукаваго". Вѣдойшовъ недалеко отъ того проклятого мѣста, де довшій часъ сидѣвъ и роздумувавъ о нѣчнѣй пригодѣ. Кабать лишивъ на означенѣмъ ему мѣсци, а рушницу узявъ у руки, говорячи самый идъ собѣ:

— Ану! Я пойдю теперь у Яблунѣвъ, — ци правда то, що злѣ духи говорили.

Пѣшовъ Яцко изъ того то проклятого мѣста, не обзираючи назады себе, но просто ишовъ ажъ до Яблонова, а дороговъ роздуме собѣ:

— А! справдѣ е свадьба у Яблоновѣмъ. У Максима на середу вечеръ мала зачинатися свадьба, то иду. Если не правда, що злѣ духи говорили, то певно не прожене мене изъ свадьбы. Бо менѣ Максимъ изъ давна е добре знакомый. А если правда, то розкажу свою нѣчну пригиду изъ злыми духами, що говорили межи собою за убѣйство... Але де я иду? Туй якъ разъ кирпичка изъ свѣжовъ водовъ, обмыюся, помолюся и такъ тогда пойдю до Яблунова.

Такъ изробивъ, обмывся свѣжо-студеновъ водовъ, почувствовавъ себе здоровѣющимъ по обмыттю, помолився и такъ дале рушився у дорогу роздумуючи.

Коли изходивъ долѣ вершкомъ у Яблонѣвъ, сонѣчко устало изъ ночного супочивку и зновъ розсыпало своѣ золотистѣ лучѣ по вершкахъ по-

лощинъ и такъ все ниже и ниже освѣщувало вершины карпатскихъ горъ и долинъ. На долинахъ все засѣяло многорѣзными квітками, миліоны цвѣтѣвъ свои головки возносятся до небесъ, кланяются свѣтлому и теплому сонечку. А на цвѣтовыхъ то листкахъ блестить противъ сонця роса, якъ бы чистый христалъ або диямантъ изъ ночного дождя.

XIV.

Сонце грѣло на долины и на береги рѣки Вича, купалося на тихой водѣ и обмывало свои золотистѣ лучи. Уже высоко пѣдойшло на горизонтѣ, коли Яцко ишовъ у Яблунѣвъ до своего добре знакомого Максима.

То издалеку прислухуеся, чи не вчуе спѣвъ або игры. Но не чути! Замовкли на той часъ або пѣйшли гудакѣ спечати на хвилину. Не чути ничего, тѣлько на дворѣ столярѣ уже робили домовину.

Увѣйшовъ Яцко до хижѣ ажъ онъ теперь переконався, що то истинна правда. На ослонѣ лежала мартва Евка, а около неѣ горѣли двѣ свѣчки. Ставъ на колѣна, помолився за упокѣйницевъ, уставъ и позерать, но такѣ не вѣритъ своимъ очамъ, що сесе може бути. Сесе сонъ, чи сесе привидѣ? чи се истинна правда? — заговоривъ зачудовано Яцко. Я сесе не можу повяти.

— „То не привидѣ, товаришу Яцку, не привидѣ но истинна правда. Мы учора приладжовали ся на весѣля, а теперь отправляти мусиме до гробу“ — отповѣла заплакана Настя.

Зазвѣдався Яцко до слова, якъ умерла и черевъ що сталося и якъ забили. А Яцко до крихты

розказавъ, якъ собѣ духи говорили о сѣмъ дѣлѣ, що сеѣ noci сталося.

XV.

Не такъ робилося у Таламашѣ. Тамъ спѣвы, танцѣ, гуляня, коли прийшовъ посланецъ изъ Яблунова изъ сумновъ вѣстковъ.

Не хотѣли вѣрити, не хотѣли и чути за таку сумну вѣстку Михайло и его родина доты, поки посланецъ не зложивъ присягу, що то истинна правда. Заплакавъ Михайло, якъ та мала дитина. За довгій часъ не мѡгъ слова проговорити, лемъ стрѣлою побѣгъ до Яблунова, не чекаючи родини ни никого, думаючи собѣ дороговъ, що теперъ буде робити, ци буде въ друге женитися, ци лишитися и зостатися нежонатимъ. Снуються тотѣ заклятѣ думки и еѣдають на голову, що учора такъ не давали нѣ на хвильку супокою.

Иде Михайло самый изъ Таламаша безъ отця, безъ матери и безъ родини. Тотѣ еще далеко лишивъ у дорозѣ. И справдѣ имъ у дорозѣ оповѣстили волѣвскѣ дзвоны, котрѣ сумно стогнали и давали на знатя родичамъ ба и загаломъ каждому гражданину, що Евчина душа отклонила ся отъ сего свѣта и поставилася на судъ Божій.

XVI.

Прийшовъ Михайло у Яблунѡвъ самый переконатися, ци то все правда, що посланецъ говоривъ. Не прийшовъ изъ дружба ми, изъ гудаками, та стрѣляючи, якъ то звичай верховинскій. Но прийшовъ заплаканный до Максима. Упавъ на мертвый трупъ и кѡлько разѡвъ выцѣлювавъ, но уже задармо, бо еѣ губы и лица не горять румянцемъ отъ сорому, якъ то було колись, коли Михайло еѣ

цѣловавъ еще живовъ. Но поблѣдла, якъ то плотно, еѣ лице студеное якъ лѣдъ. Задармо онъ до неѣ говоривъ, бо еѣ пышный ротикъ не отворюе до своего любимого товариша, но посинѣвъ як то желѣзо. Тяжко, тяжело заплакавъ Михайло надъ еѣ уже мертвымъ тѣломъ и упавъ на землю... Хотяи утративъ притомность зъ жалю великого, но вскорѣ отживъ за помочевъ бувшихъ тамъ людей. Узявся готовити надгробный крестъ, бо якъ было еще выше описано, Михайло знавъ добре столярску роботу. Изготовивъ онъ красный крестъ дубовый, вырѣзавъ надпись на крестѣ за означенными знаками оловця (церузи), бо хоть не було въ той часъ на письмѣ добре ученыхъ, но Михайла всяка наука ималася, то и кирилиця була ему добре прѣзнана.

XVII.

Уже все було готово, только не було еще священника. Но не у довгий часъ прийшовъ и священникъ и огразу начався похоронъ. На похоронъ богато прибуло народа, бо не кождый хотѣвъ вѣриту тую новину и прийшли конче власными очима посмотриѣти небувалое дѣйство.

Красну, трогательну и дуже вражаючу проповѣвъ проповѣдь священникъ, такъ що майже не було тамъ такого чоловіка, жѣнки, або молодежи, що бувъ не опустивъ слѣзъ изъ своихъ очей, бо и навѣтъ самый старый священникъ не мѣгъ прощальну бесѣду отговорити передъ слезами, котрѣ такъ котилися долѣ его зморщенымъ лицемъ.

Заплакавъ Михайло и въ третий разъ, обливаючи крестъ дробными слезами, котрымъ не було престанку. Перо не въ силѣ описати, якій тогды смутокъ перезивався у людскихъ сердцахъ.

Домовину понесли на цмыитарь. За трупомъ не музикальный маршь отгравали, но дзвоны сумно застогнали, выпроваджуючи еѣ до сыроѣ землицѣ, до темного гробу, звѣдки уже бѣльше не встане, хѣба ажѣ на страшибѣмъ судѣ на голосѣ ангелскоѣ грубы.

Коло гробу еще разѣ помолилися и отдали до сыроѣ могилы тѣло умершоѣ. Еще разѣ ударили у дзвоны на еѣ вѣчную память и каждый вергѣ по грудочкѣ сыроѣ землѣ до гробу на прощальное. Потомѣ розыйшлися на часѣ до Максима. Лемѣ гробарѣ изобсталися засыпати глубоку яму и обдернити гробѣ. Михайло изобстався изѣ гробарами до послѣдка, где самый забивѣ крестѣ у землю.

XVIII.

Якѣ уже гробарѣ забралися домѣвъ по сконченю работы, Михайло ставѣ коло гроба на колѣна, помолився Богу за душу улокойницѣ, за котровѣ такѣ туживѣ. По сконченю молитвы присягѣ на еѣ гробѣ, що другій разѣ не буде женитися, но останесѣ нежонатымѣ до своеѣ смерти.

На другій день посадивѣ на еѣ гробѣ яворика, котрый не у довгій часѣ приявся и пустилѣ новѣ листочки.

Михайло на довгій часѣ приходивѣ молатися на свѣжу могилу.

Каждоѣ яри, коли той яворѣ розвивався и листочки пуцавъ, то дробнѣ птицѣ прилѣтали и спѣвали надѣ еѣ гробомѣ тужливѣ пѣсенѣ.

Вышиѣ Верецкѣ, 28. мая 1920.

3820